

三才圖會

三才圖會

雲間允明父王思義續集

儀制五卷

皇太子冠圖

品官冠圖

士庶冠圖

天子納后遣使圖

納后納采圖

受冊圖

納后合番圖

上三 圖 卷之三 三

皇太子冠圖

親王冠圖同

皇太子次

冠席

冠席

坐同

百官拜位

御座

皇太子

賓贊

醴席

坐同

百官拜位

皇太子加元服儀 前期太史監承 制筵日工部製

袞冕遠游冠折上巾服翰林院撰祝文祝辭禮部備儀注

中書省承 制命某官爲賓某官爲贊既筵日遣官奏告

天地宗廟禮部告示文武百官於 皇城守宿至日侵晨

具朝服行禮前一日內使監令陳 御座香案于 奉天

殿中侍儀設 皇太子次于 奉天殿之東房設賓贊次

于 午門外設 皇太子拜位于 丹陛上正中文設賓

贊受 制位于 皇太子位之稍西北東向設承 制官

位於 御座之東西向又設承 制官宣 制位於 皇

太子位之東北西向設賓贊拜位於內道之東北西上
設文官拜位於丹墀內道之東每等異位重行北向西
上設武官拜位於丹墀內道之西每等異位重行北向
東上設使客位於文官拜位之東北西向設殿前班諸
執事起居位於武官起居位之北東向設侍從班諸執事
起居位於文官起居位之北西向設宿衛鎮撫二人位於
東西陛下東西相向護衛百戶二十四人位於宿衛鎮撫
之南稍後東西相向典牧所官二人位於乘馬之前東西
相向知班二人位於文武官拜位之北東西相向通贊典

禮二人位於知班之北東西相向通贊在西贊禮在東引
太師太尉二人位於太師之北西立東向引文武班四人
位於文武官拜位於北稍後東西相向引殿前班二人位
於引武班之南引使者二人位於引文班之南設殿前班
指揮司官三員侍立位於 丹陛上之西東向光祿寺官
三員位於 丹陛上之東西向拱衛司官位於殿門之左
右東西相向文官侍從班起居注給事中殿中侍御史尚
寶卿位於殿上之東西向武官侍從班懸刀指揮位於殿
上之西東向護衛千戶八人位於殿東西門之左右東西

相向典儀二人位於 丹陛上之南東西相向鳴鞭四人

位列於 丹陛上北向將軍二人位於 殿上簾前之左右

將軍六人位於殿門之左右將軍四人位於 丹陛上之

四隅將軍六人位於 奉天門之左右東西相向是日侵

晨金吾衛陳設甲士於 午門外之東西擊鼓於門外之

中道列旗仗於 奉天門外之東西陳五輅於 丹墀之

南北向典牧所陳仗馬於文武樓之南東西相向陳虎豹

於 奉天門外東西相向協律郎陳樂於 丹墀文武官

拜位之南執事官設盥洗於東階東南嚳在洗東篚在洗

西內使監設 皇太子冠席於殿上東南西向設醴席於西階上南向張帷幄於東序內設褥席於帷中又張帷於序外御用監陳服於帷內東領北上袞服九章遠游冠絳紗袍折上巾絳紗袍緇犀簪二物同箱在服南櫛實於箱又在南司尊實醴於側尊加勺翬設於醴席之南設坩於尊東置二爵於坩進饌者實饌設於尊北諸執事者皆立於其所冕九旒遠游冠十八梁折上巾冠冕各一箱盛執事官各執立於階之西東向北上擊鼓初嚴催班舍人各催文武官具朝服擊鼓次嚴引班引文武官依品從齊

班於 午門外以北爲上東西相向通班贊禮知班典儀
內贊宿衛鎮撫護衛鳴鞭殿內外將軍俱入就位引禮引
賓贊入立於 奉天門外道東西相向東宮官以下導從
皇太子至殿門外贊禮同太常博士引 皇太子詣 奉
天殿東房訖引班引殿前班指揮光祿寺卿諸侍衛官各
服其器服及尚寶卿侍從官入詣 謹身殿奉迎擊鼓三
嚴引班引文武官以序入就起居位侍儀版奏外辦御用
監奏請 皇帝服通天冠絳紗袍御輿以出侍衛導從警
蹕如常儀 皇帝將出仗動陛 御座將軍捲簾鳴鞭司

晨雞唱訖引禮引賓贊入就位立定贊禮唱鞠躬樂作拜興

拜興拜興拜興平身賓贊及文武百官皆鞠躬拜興拜興

拜興拜興平身得侍儀詣御座前承制降自東階詣

賓前稍東西向稱有勅贊禮唱跪承傳通唱在位官皆跪

侍儀宣制曰皇太子冠命卿等行禮宣制訖贊禮

唱俯伏興拜興拜興拜興平身文武侍從班起居注

給事中殿中侍御史尚寶卿陞殿立於殿上之東西向武

官侍從班懸刀指揮陞殿立於殿上之西東引禮引賓贊

及應行禮官詣東階下位立定東宮官入詣皇太子東

房次太常博士亦詣東房引 皇太子入就冠席內侍二

人夾侍東宮官後從皇太子初行樂即席西南向樂引禮

引賓贊以次詣罍洗樂搢笏盥手樂執手訖出笏樂升自西

階執折上巾者升賓降一等受之右執項左執前進 皇

太子席前北面祝畢乃跪冠樂賓興席南北面立贊冠者

進席前北面跪正冠興立於賓之後內侍跪進服服訖樂

賓揖 皇太子復坐引禮引賓贊降詣罍洗如上儀贊冠

者進席前北向跪脫折上巾置于箱興授內侍內侍跪置

于席執遠游冠者升賓降二等受之右執項左執前進

皇太子席前北向立祝畢乃跪冠

樂作

賓興席南北面立贊

冠者進席前北面跪簪結紘興立於賓後

皇太子興內

侍跪進服服訖

樂止

賓揖

皇太子復坐引禮引賓贊降詣

盥洗如上儀贊冠進席前北向跪脫遠游冠置于箱興授

內侍內侍受置于

席

執衮冕者升賓降二等受之右執項左

執前進

皇太子席前北向立祝畢乃跪冠

樂作

賓興席南

北向立贊冠者進席前北面跪簪結紘興立於賓後 皇

太子興內侍跪進服服訖

樂止

太常博士引皇太子降自東

階樂作由西階升即禮席南向坐

樂止

引禮引賓詣盥洗

樂作

搢

笏盥手帨手訖出笏升西階樂贊冠者取爵盥爵帨爵詣

司尊所酌醴授賓賓受爵跪進于皇太子席前北向祝

畢皇太子摠圭跪受爵作飲訖奠爵執圭進饌者奉饌

設於皇太子席前皇太子摠圭食訖執圭興執事官

徹爵與饌太常博士引皇太子降自西階詣殿門東房

易朝服訖詣丹墀拜位北向東宮官屬各復拜位皇

太子初行樂至位樂引禮引賓贊詣皇太子位稍東西

向賓少進字之辭畢奉勅字某太常博士啓皇太子再

拜典儀唱鞠躬拜興拜興跪聽宣勅畢就拜興拜興平身

太常博士引 皇太子進 御座前俛伏跪奏稱臣不敏

敢不祗奉奏畢復位侍立官並降殿復拜位典儀唱鞠躬

拜興拜興拜興拜興承傳唱在位官以下皆拜鞠躬拜興

拜興拜興拜興平身侍儀奏禮畢贊禮承傳唱禮畢 皇

帝興樂作警蹕侍從導引如來儀至 謹身殿樂內給事導

皇太子入內朝見 皇后如朝正之儀引禮引賓贊引班

引東宮官及文武百官以次出

親王冠禮一前期三日各執事官于本部習儀至日傳

制遣官持節行禮一前期儀衛司先設王邸在東序張

帷幄設褥褥于序中又張帷于序儀禮司設掌贊宣勅

戒等官序立位于王邸東稍西向具九旒冕翼善冠絳紗

袍等服并網巾金簪二物各以箱盛候持節者至禮部儀

禮司等官啓王出迎門外贊禮導王行節入王邸置中

庭樂作贊王詣香案前四拜畢禮部等官啓就冠席西

南向內侍二人夾侍樂止引禮引賓贊以次詣盥洗樂作

搯笏盥手樂止通贊典儀二人露臺東西向冠席在東序

南

西向禮席在西南向

行禮之時諸執事官陞自東階稍西向掌冠

者執網巾陞賓降一等受之進王席前稍北面立祝曰

惟茲吉日冠以成人克敦孝友福祿來臻畢供奉官束髮
掌冠跪進網巾樂作贊冠者跪正之興立掌冠後內侍跪
進服訖樂止掌冠啓王復坐執翼善冠陞賓降二等受之
右手執冠後左手執冠前進如前儀祝曰冠禮斯舉寔由
成德敬慎威儀惟民之則甲跪進冠興樂作掌冠啓復坐
贊冠進跪脫翼善冠興內侍跪脫袍服執衮冕者陞賓降
三等受之進如前儀祝曰冠至三加命服用章敬神事上

永固藩邦跪進服興樂作贊冠跪簪結紘興立掌冠後

王興內侍跪進衮服訖樂止禮部官引王降自東階樂

作由西階陞醴席南向坐樂止引禮引掌冠詣疊洗樂作

播笏盥手訖陞西階樂止贊冠者取爵詣司尊所酌醴授

賓賓跪進席前北面祝曰旨酒嘉薦載芬載芳受茲景福

百世其昌

畢

王摺圭受爵樂奏喜于春之曲飲訖奠爵

出圭進饌饌訖引

王降自西階詣東序易服訖樂止請

王詣拜位樂作引禮引宣勅戒官至中庭西向立稱有

制王跪樂止宣勅戒曰孝于君親友于兄弟親賢愛民率

由禮義毋溢毋驕永保富貴樂作俯伏興四拜興樂止禮
部官啓禮畢引王還樂止掌冠等官復命王是日謁
廟畢就詣父王及東宮前謝次日百官稱賀畢詣王
府行叩頭禮

品官冠禮圖

筐洗壘垢

側尊

甒醴

將冠者

雙童
紒

冠者席

正席

次
席

醴服

醴服

醴服

醴筵

賓席

執冠箱人

賓

士庶冠禮圖

張帷為房於廳事之東

將冠者

雙紒

冠席

盥盆

子衾

酒壺

盥注

公服帶靴笏

襦衫帶靴

深衣大帶

櫛篋總

醴席

執幘頭者

執帽者

執巾者

賓

饋者

冠儀 前期擇日王者告于家廟無廟則告于祠堂北面
再拜告云某之子某年漸長成將以某月某日加冠於其
首謹以告乃筮賓王者北面再拜告云卜以某甲子吉冠
某速某賓加冠庶幾臨之謹告前二日王者戒賓及贊冠
者王者至賓大門外掌次者引之次儻者受王者之命入
告賓曰某之子某將加冠願吾子教之賓曰某不敏恐不
能供事以辱吾子敢辭王者曰某猶願吾子教之賓曰吾
子重有命某敢不從王者再拜賓答拜王者還賓拜送王
者戒贊冠者亦如之

亦通使子
弟戒之

前一日掌事者設次於大

門外之右南向其日夙興掌事者設洗於堂阼階東南東

西當東霑

六品以下當東霑

南北以堂深罍水在洗東加勺羃篚

在洗西南肆實巾一於篚加羃席於東房內西牖下

無房者張

帷爲之

陳服於席東領北上莞筵四加藻席四在南側尊甒

醴在服北加勺羃設坫

四品以下設篚無坫

在尊北饌陳於坫北設

洗於東房近北罍水在洗西篚在洗東北肆實以巾質明

賓贊至於王者大門外掌次者引之次賓贊公服諸行事

者各服其服

六品以下無公服者服常服

執尊罍篚者皆就位其冠各

一廂各一人執之待於西階之西東面北上設王者之席

於阼階上西面賓席於西階東面冠者席於主者東北西

面王者公服立於阼階下當東序西面諸親公服非公服

者常服立於鬯洗東南西面北上尊者在此別室儼者公服立於

門內道東北向將冠者雙童皆空頂贊雙玉環金寶飾綵

以土則唐制也立於房內南面王者贊冠者公服立於房內戶

東西面賓及贊冠出次立於門西贊冠者少退俱東面北

上儼者進於主者之左北面受命出立門東西面曰敢請

事賓曰某子有嘉禮命某執事儼者入告王者迎賓於大

門外之東西面再拜賓答拜凡主賓拜揖皆王者揖贊冠

贊禮者相導

者贊冠者報揖王者又揖賓賓報揖王者入賓及贊冠者

次入及內門行至階

王者立於階東西面
賓贊立於階西東面

王者請升賓曰

某備將事敢辭王者固請賓固辭王者終請賓三辭王者

升自阼階立於席東西向賓升自西階立於席西東向贊

冠者及庭盥於洗升自西階入於東房立於王者贊冠者

之南俱西面王者贊冠者引將冠者立於房外之西南面

賓之贊冠者取纒櫛簪跪奠於冠者筵南端席北少東西

面立賓揖將冠者賓王俱即席坐將冠者進升席西南坐

賓之贊冠者進筵前東面跪脫雙童髻置於箱櫛畢設纒

興復位立賓主俱興賓降至盥洗盥手訖詣西階王者立於席後西面賓立於西階上東面執緇布冠者升授賓賓降一等受之右執頂左執前進將冠者筵前東向立祝曰今月吉日始加元服棄齒勿志鎮爾戒德壽考維祺爾爾是偈乃跪冠興復西階上席後東面立賓之贊冠者筵前東面跪結纓興復位冠者興賓揖冠者冠者還房賓主俱坐冠者著青衣素裳之服出房戶西南面立賓主俱興賓揖冠者冠者進升席西向坐賓之贊冠者跪脫緇布冠置於箱櫛畢設纓興復位執進賢冠者升賓降二等受之右執頂

左執前進冠者筵前東向立祝曰吉月令辰乃申爾服恭
爾威儀淑慎爾德眉壽萬年永受胡福乃跪冠興復位賓
之贊冠者跪設簪結纓興復位冠者興賓揖冠者冠者適
房賓主俱坐冠者著絳紗服出自房戶西南面立賓主俱興賓
揖冠者冠者進升席西向坐賓之贊冠者跪脫進賢冠置
於箱櫛畢設纓興復位執爵升者賓降三等受之右執項
左執前進冠者筵前東向立祝曰以歲之正以月之令咸
加爾服兄弟具在以成厥德黃耇無疆受天之慶乃跪冠
興復位賓之贊冠者跪設簪結纓興復位冠者興賓揖冠

者適房賓主俱坐主者贊冠者撤繼櫛簪箱及筵入於房
又設筵於室戶西南向冠者著爵弁之服出房戶西南向
立賓主俱興主者贊冠者盥手洗解於房酌醴出房南面
立賓揖冠者冠者就筵西南面立賓進受醴進冠者筵前
北面立祝曰其醴維厚嘉薦令芳拜受祭之以定爾祥承
天之休壽考不忘冠者筵西拜受解賓復西階上東向答
拜執饌者奉饌薦於冠者筵前冠者左執觶右既脯祭於
籩豆之間贊冠者取脯一以授冠者冠者奠觶於薦西以
祭冠者坐既解祭醴奠觶再拜執解興賓答拜賓主俱坐

冠者升筵跪奠解於薦東興筵北面跪取脯降自西階入見毋進奠脯於席前退再拜以出冠者毋不在則使人受脯於西階下初冠者入充毋賓王俱興賓降當西序東面立王者降當東序西面立冠者既見毋出立於西階東南面賓少進字之曰禮儀既備令月吉日昭告爾定爰字孔嘉髦士攸宜宜之于嘏永受保之曰伯某甫冠者曰某雖不敏夙夜祗奉賓出王者送於內門外王者西向請賓曰吾子辱執事請禮從者賓曰某得將事敢辭王者固請賓曰某既不得命敢不從賓就次王者入初賓出冠者東面

見諸親諸親拜之冠者答拜冠者西面拜賓之贊冠者賓
之贊冠者答拜訖見諸尊於別室賓主既釋服改席訖賓
與衆賓俱出次立於門西東面主者出門東西面主者揖
賓賓報揖主者先入賓及衆賓從之至階賓立於西階上
贊冠者在北少退俱東面主者立於東階上西面衆賓降
立於西階下東面掌事者以幣篚升授主者主者授幣篚
于賓賓受之又以幣篚授贊冠者贊冠受之俱復位主者
還阼階上北面拜送賓贊降自西階主者送賓於大門外
之東西面再拜賓出主者入孤子則諸父諸兄戒賓冠之

日王者綰而迎賓拜揖讓如冠主冠於阼階之下禮賓拜
送皆如上儀明日見廟冠者朝服質明贊禮者引入廟南
門中庭道西北面贊再拜訖引出

士庶冠禮儀

凡男子年十五至二十皆可冠將冠筮日筮賓於祠堂戒
賓俱同品官儀是日夙興張帷爲房於廳事之東賓主執
事者皆盛服設盥於阼階下東南陳服于房中西牖下東
向北上席二在南酒壺在服北次盞注幘頭帽巾各盛以
盤蒙以巾帕執事者三人捧之立于堂下西階之西南向
東上主人立于阼階下子弟親戚立于盥東僮者立于門
外以俟賓將冠者雙紉袍勒帛素履待於房中賓至主人
出迎揖而入坐定將冠者出於房執事者請行事賓之贊

者取櫛總篋幘頭置於席南端賓揖將冠者將冠者即席
西向坐賓之贊者爲櫛令紛施總加幘頭賓主皆降主人
立于阼階下賓盥訖主人揖讓升自西階皆復位執事者
以巾進賓降西階一等受之詰冠者席前東向祝云云跪
爲着巾興復位冠者興賓揖冠者適房易服深衣大帶出
房即冠席賓盥訖降二等受帽進祝贊者徹巾賓跪冠興
復位冠者興賓揖冠者入房易服服旋襴衫腰帶出房即
冠席賓盥訖降三等受幘頭進祝三祝皆同品官詞贊者
徹帽加幘頭復位冠者興賓揖冠者適房易公服出房執

事者徹冠席入帷中更設醴席於西階南向贊者酌醴出房立於冠者之南賓揖冠者卽醴席西向立賓受醴詣席前北面祝同品官詞冠者於席西拜受賓荅拜執事者薦饌冠者卽席坐飲食訖再拜賓荅拜冠者離席立於西階之東南向賓字同品官詞冠者拜賓荅拜冠者拜父母父母爲之起拜諸父之尊者遂出見鄉先生及父之執友先生執友皆荅拜訖賓退主人請禮賓辭固請許諾乃入設酒饌延賓及僮贊者賓退主人酬賓贊侑以幣乃拜謝禮畢主人以冠者見祠堂告曰某之子某冠畢敢見冠者北

面焚香再拜出

天子納后遣使圖一

車將軍 將軍 車將軍 將軍 車將軍 將軍

引班舍人
引班舍人

文官侍立位

使者

副使

樂

武官侍立位

引班舍人
引班舍人

護衛
護衛
護衛
護衛

引禮
引禮

護衛
護衛
護衛
護衛

護衛

護衛

護衛

護衛

護衛

護衛

護衛

護衛

鎮撫

護衛

護衛

護衛

護衛

護衛

護衛

護衛

護衛

護衛

鎮撫

贊禮

天子納后遣使圖二

典儀

宿衛

天武

宿衛

鳴鞭

官

鳴鞭

鳴鞭

官

鳴鞭

典儀

天武

宿衛

宿衛

寺

宿衛

宿衛

宿衛

祿

宿衛

宿衛

宿衛

光

宿衛

宿衛

宿衛

天武

宿衛

將軍

將軍

將軍

將軍

將軍

將軍

門

門

門

承制官

將軍

執節

王節官

舉實案

舉冊案

舉實案

舉冊案

奉實官

奉冊官

東案

東案

西案

文官侍立位

御座

武官侍立位

納后納采圖

問名納吉納徵請期同

使者
副使
執節
執馬

執禮

標者

引使者

執禮

立序副使

次副使

制案

主昏受制位

主人拜位 門

執禮
標者

引使者

執禮

位官昏主

納后受冊圖

使內寶

立婦拜位

使內寶冊

吹仗鼓儀

從侍執擘

寶司

侍命婦

司

使副立位

內使監位

傳

寶人

宮內外

司

使副立位

內使監位

冊

香

司

使副立位

內使監位

皇后位寶閣庭

門

重翟車

門

冊寶舉

案

案

司

位者昏主

姆

冊

傳

司

位者昏主

從侍執擘

司人

宮內外

司

位者昏主

吹仗鼓儀

使內冊

立侍命婦

司

位者昏主

吹仗鼓儀

位拜婦

司

位者昏主

吹仗鼓儀

納后合卷圖

殿 內

幄

卷 兩 爵 四

案 酒 酒

榻
皇帝御榻
皇帝御榻
皇帝御榻
皇帝御榻

榻
皇后御榻
皇后御榻
皇后御榻
皇后御榻

司監宮人
司監宮人
司監宮人
司監宮人

位
皇帝洗巾位

位
皇后洗巾位

司監宮人
司監宮人

侍
侍從
侍從
侍從

位
皇帝揖位

位
皇后揖位

侍
侍從
侍從
侍從

皇 后 大 次

步障

遣使儀

前期禮部移文太史院擇某日奏告

天地

宗廟某日遣使納采問名太史院擇日以報禮部禮部奏聞翰林院承制撰納采問名制文禮部依式樣制製書版書制文訖命所司備雁并其他禮物以伺又承制命某官爲使者某官爲副使告示文武百官於皇城守宿至日鳴鐘後具朝服侍班前一日內使監設御座香案於

奉天殿正中尚寶卿設寶案於

御座之南侍儀司設制

書案於寶案之南設雁及禮物位于

丹陛上設主節官

位於制書案之東西向執節者位于主節官之南稍後捧

制官二人位于制書案之西東向舉案者位于捧制官之
後設承制官位于殿上及丹陛之東南設使者及副使
拜位于丹墀內道稍西東上北向又設副使受制書位
于拜位之北使者在東副使在西俱北向設執雁者及舉
禮物者位于丹陛下之西東向贊禮二人位于丹陛
上之南東西相向司贊二人位于使者拜位之北東西相
向知班二人位于司贊之南東西相向設文武百官侍立
位于文武樓之北東西相向文武侍從班位于殿上之左
右引文武班舍人四人位于文武官之北稍後東西相向

引使者二人位于使者之北西立東向拱衛司光祿寺官
對立位于奉天殿門之左右東西相向將軍二人位于
殿上簾前東西相向將軍六人位于奉天門之左右東
西相向又將軍四人位于丹陛上之四隅東西相向又
將軍六人位于奉天殿門之左右東西相向鳴鞭四
于丹陛上北向是日金吾衛陳設甲士儀仗于午門
外之西拱衛司陳設儀仗于丹陛丹墀之東西設遮蓋
制書黃蓋于奉天殿前和聲即設樂位于丹墀之南
備而侍儀司設綵輿儀仗于奉天門外正中質明擊鼓
不作

初嚴催班舍人催百官具朝服導駕官侍從官入迎車
駕次嚴引班舍人引文武百官入就侍立位引禮引使者
具朝服立于丹墀之西以伺諸執事者各就位三嚴侍
儀奏外辦御用監跪奏請皇帝服袞冕出謹身殿尚
寶卿奉寶前導侍從導引如常儀至奉天殿陞御
座尚寶以寶置于案捲簾鳴鞭雞唱報時訖禮部官捧
制書置於案上執事者陳雁及禮物於丹陛上主節官
執節者入就殿上位西向立承制官立於主節官之北奉
制官立於制書案之西舉案者立於其後引禮引使者就

丹墀拜位贊禮唱鞠躬拜興拜興拜興平身使者鞠躬拜興拜興拜興平身引禮引使者及副使稍前至受制位北向立定承制官進詣御座前跪承制訖由中門出至丹陛上宣制位奉制官率執事舉制案由中門出拱衛司擎黃蓋遮護自中陛降以案置受制位主節官率執節者執節前導至使者前主節官西向立執節者立於主節官之南奉制官立於制書案之東舉案者立於奉制官之後西向承制官稱有制典儀唱跪使者跪承制官宣制曰皇帝納某女爲皇后制使卿等持節行納采

禮宣制訖執節者脫節衣以節授主節官主節官受節西
向授使者使者搢笏跪受以授執節者執節者跪受節與
立於使者之左主節官退奉制官就案取納采制書西向
授使者受制書興復置于案出笏退復位奉制官復詣案
取問名制書西向授副使副使搢笏跪受制書興復置于
案出笏退復位奉制官退引禮引使副退就拜位立定贊
禮唱鞠躬拜興拜興拜興平身使者鞠躬拜興拜興
拜興拜興平身引禮引使副從制書案出執節者前導舉
案者次之執雁及禮物者由西陞陞取雁及禮物由中陞

降以次行制書案之後出 奉天門外執節者加節衣使
者取 制書案置於綵輿中使者步從出 午門外儀仗
在前鼓吹次之作執節者次之禮物次之執雁者次之綵
輿次之使副從行於綵輿之後初 制書出 奉天門侍
儀跪奏禮畢 皇帝興還宮引班引百官以次出 執禮
物者由西陞陞各執物由 中陞降從于案後冊寶使奉
迎使以次從出二執節者前導至 奉天門外奉迎使取
制書置綵輿中冊寶使取冊寶置綵輿中以次進發由
午門中門出 皇后儀衛在前次車輅次冠服次雁次禮

物綵輿衆官從行于後至

皇后第行冊禮及奉迎如後

儀

納后納吉納徵告期儀 前一日所司設 制案節案禮
物中和樂至期清晨設鹵簿綵輿大樂傳 制遣使並同
前納采問名儀但納徵用玄纁束帛六馬等物 制詞云
茲聘某官某女爲 皇后命卿等持節行納吉納徵告期
禮 皇后第前一日設正副使幕次香案 制案節案別
設案並同前受納采問名儀惟更設玉帛案其日正副使
至 皇后第於綵輿中取 制書玉帛置案上少候執事
先設 皇后冠服諸禮物於正堂六馬陳於堂下禮官一
員入正堂主婚者出見禮官曰奉 制聘 皇后遣使行

納吉納徵告期禮主婚者出迎執事舉玉帛案前行正使
於案取納吉納徵制書捧之副使取告期制書及節
捧之次行主婚者後隨至正堂正副使各以制書及節
置案上退立案之左右相向置玉帛案于制書案之南
引禮引主婚者就拜位行四拜禮引請案前跪正使取納
吉納徵制書以次宣訖授主婚者主婚者受制以授
執事者執事者跪受置于北案正使捧圭授主婚者主婚
者受圭以授執事者執事者跪受置于北案副使捧玄纁
授主婚者主婚者受以授執事者執事者跪受置于北案

副使取告期 制書宣訖授主婚者主婚者受 制以授
執事者執事者跪受置于北案主婚者俯伏與平身復位
行四拜禮畢正副使持節出以節置綵輿中主婚者送至
門外請禮從者及捧幣勞正副使俱同前正副使還至
奉天門外以節授司禮監官捧入復 命

納后受冊儀 前一日侍儀司設冊寶使幕次于 皇后
第門外設內使監官幕次于中門之外設內外命婦幕次
于中門之內設尚宮及官人幕次于 皇后閣外設使者
序立位于大門外之東副使及內使監官于使者之南執
節者位于使者之北少退俱西向設主婚者序立位于大
門內之西東向又設使副位于中門外之東西向執節者
位于使副之北設授冊寶內使監官及讀冊寶奉冊寶監
官位于使副之北西向設主婚者位于奉冊寶之南司贊
二人位于中門之左右東西相向引使者二人位于司贊

之南東西相向又設 皇后座于閣之正中設冊寶案于
皇后座之南設香案于閣門外之庭中隨 闕所向設權
置冊寶案于香案之前冊東寶西設 皇后受冊寶位于
案前北向設司言司寶一人位于 皇后位之西東向設
授冊寶內使監官位于冊寶案之東西向設讀冊寶內使
監官位于授冊寶使之北西向設尚宮傳姆位于 皇后
之左右設宮人侍立位于傳姆之後東西相向設內外命
婦拜位于庭下重行北向尚儀二人位于 皇后拜位之
北東西相向司贊二人位于內外命婦拜位之北東西相

向其日侵晨內外命婦各服其服先至 皇后第幕次以

伺冊寶使奉迎冊寶至 皇后第儀仗鼓吹分列于大門

外之左右備而不作陳冊寶綵輿于大門外之正中進 皇后

鹵簿儀仗重翟等車以次列于大門之內掌次迎冊寶使

入就次內使監官入就次尚宮及宮人先奉 皇后首飾

褱衣入就次冊寶使既至次儂者引主昏者朝服立于大

門內之西內侍引內使監官序立于中門之外引禮引冊

寶使出次請綵輿前取冊寶置案上立于大門外之東執

節者立于其北儂者出請使者前請曰敢請事使者曰其

奉制授一皇后備物冊寶儼者入告遂引主昏者出迎使者于大門外之南北面立儼者唱鞠躬拜興拜興平身主昏者鞠躬拜興拜興平身使副不荅拜儼者引主昏者先入立于中門外之西東向執節者導使副入執節在前持案者次之使副從其後至中門外以案置于位冊東寶西使副各就位立定持節者脫節衣使者請案取冊以授授冊內使監官內使監官受冊以授內侍內侍受冊立于內使監官之右副使請案取寶以授授寶內使監官內使監官受寶以授內侍內侍受寶立于授寶內使監官之右舉

案者以案退使副亦退就位內侍奉冊寶由中門入授冊
寶內使監官及讀冊寶內使監官從入至閣門外以冊寶
置于案尚宮及宮人奉 皇后首飾禕衣入閣請 皇后
具首飾禕衣訖尚宮傳姆宮人內侍等導從 皇后出宮
在前傳姆次之宮人四人執扇擁護一人在前二人在後
皆分列左右宮人內侍皆從其後至閣門外降自東階詣
香案前向闕立尚宮傳姆分立于左右內侍引內外命婦
就庭下分東西相向立內使監官稱有制尚儀奏拜興拜
興 皇后拜興拜興尚儀奏讀冊讀冊內使監官進詣案

取冊讀冊于 皇后之右讀訖以授授冊內使監官進授
皇后 皇后受冊以授司言司言受冊捧立于 皇后之
左尚儀奏讀寶讀寶內使監官詣案取寶讀于 皇后之
右讀訖以授授寶內使監官授寶內使監官進授 皇后
皇后受寶以授司寶司寶受寶捧立于 皇后之左尚儀
奏拜興拜興 皇后拜興拜興尚儀奏請陞座尚宮傅姆
導引 皇后由東階陞即 御座司言司寶捧冊寶置于
案退立于左右尚宮傅姆及宮人內侍應侍衛者各陞立
于侍立位內侍引內外命婦就拜位北向立司贊唱拜興

拜興拜興拜興內外命婦皆拜興拜興拜興拜興內侍引
命婦班首一人陞西階詣 皇后座前致辭曰伏惟 殿
下坤象配天德昭厚載率土含識不勝抃舞賀訖內侍引
命婦由西階降復位司贊唱拜興拜興拜興拜興內外命
婦皆拜興拜興拜興拜興司贊唱禮畢尚儀奏禮畢 皇
后降座尚宮傳姆仍導從 皇后入閣內外命婦送至閣
出就次內使監官出告禮畢冊寶使副退主昏者禮宴使
副內使監官畢冊寶使副復命並如告期之儀

納后發冊奉迎儀 前一日所司設樂儀仗如常儀至期
清晨鴻臚寺設 制書案節案冊案寶案於 御座前禮
部陳鴈及禮物於 丹陛上設綵輿於 奉天門外內官
監陳設 皇后鹵簿車輅禮物於綵輿南其傳 制遣使
並同前納采問名儀但改 制詞云茲冊某官某女爲
皇后命卿等持節奉冊寶行奉迎禮其 制冊寶節用傘
蓋遮護從中門出執事舉鴈及禮物隨行正副使亦隨行
詣 皇后第行禮其奉迎用旗手衛鼓吹前導設而不作
教坊司作樂如常儀是日內官設 皇后幕次於內殿南

北向設 上與 皇后各更服處於內殿 皇后第前一

日設正副使幕次于大門外南向設香案 制書案節案

冊寶案于正門中又設香案 制書案節案于正堂別設

案于正堂北其日正副使至於綵輿中取 制書冊寶置

案上入次少候女官奉 皇后首飾褙服入申堂左內官

陳儀仗車輅等物于大門內禮官一員先入主婚者朝服

出見禮官曰奉 制冊 后遣使持節奉冊寶行奉迎禮

主婚者出迎執事者舉冊寶案前行正副使捧 制書及

節次行執事者執鴈及禮物隨入主婚者從行至正堂正

副使置 制節于案執事者置冊寶案于 制節之南冊

東寶西正使立於案左副使立于案右相向引禮引主婚者執拜位行四拜禮退立於西南女官以首飾褱服進

皇后內官進 皇后儀仗於中堂前設女樂於堂下作止

如常儀司禮監官進前受節冊寶正副使於案取節冊寶授之仍前立候內贊二人引捧節冊寶監官入中堂前各置于案 皇后具服出閣女官及宮人擁護詣香案前向闕立內贊贊行四拜禮贊宣冊贊跪 皇后跪宣冊官取冊立宣於 皇后之左訖贊受冊贊揖主宣冊官以冊進

授 皇后皇后受冊以授女官女官跪受立于西贊宣寶
宣寶官取寶立宣於 皇后之左訖贊受寶宣寶官以寶
進授 皇后皇后受寶以授女官女官跪受立于西贊出
圭贊興又贊四拜禮畢 皇后入閣持節監官由正門出
授正副使報受冊寶禮畢引禮引主婚者詣案前跪正使
取奉迎 制宣訖授主婚者主婚者授執事置于北案執
事者以鴈及禮物進副使以次受之授主婚者主婚者授
執事皆置于案又贊四拜禮畢正副使出大門外置節綵
輿中主婚者請禮從者及以幣勞正副使同前司禮監官

嚴整鹵簿復以奉迎禮入達于女官女官奉請 皇后冠
服出閣女樂前導宮人擎執擁護自東階下立香案前內
執事贊四拜畢請 皇后陞堂南向立主婚者進立于
皇后之東西向日戒之敬之夙夜無違命畢退立于東階
西向毋進立于 皇后之西東向施衿結帨曰勉之敬之
夙夜無違畢退立于西階東向內執事奏請乘輿 皇后
降階陟輿待從如儀內執事導從出門奉迎儀仗大樂前
行綵輿次行正副使隨行司禮監官擁導 皇后鹵簿冊
寶綵輿行宮人乘轎內官內使衛護從 大明門中門入

文武百官具朝服於承天門外東西向立班迎候輿入承天門退 皇后輿輅至 午門外鳴鐘鼓鹵簿止正副使以節授司禮監官先入復 命捧冊寶官捧冊寶傘扇儀仗女樂前導宮人擁護 皇后輿由奉天門進內庭幕次捧冊寶監官以冊寶授女官 皇后出輿由西階進上由東階降迎於庭揖 皇后入內殿內侍請 上詣更服處具袞冕女官請 皇后詣更服處更禮服 上同 皇后詣 奉先殿行禮捧冊寶女官以冊寶置 皇后宮中內官以 皇后車輅鹵簿入 午門過 御橋由中右

門進 皇子宫中

納后合卺儀 是日內官先於 正宮殿內設 上座于

東 皇后座于西相向置酒案于正中稍南置四金爵兩

盃於案上謁 廟還內侍女官請 上與 皇后各就更

服處 上服皮弁服陞內殿 皇后更衣從陞贊請陞座

執事者舉饌案於 上與 皇后前女官司尊者取金爵

酌酒以進飲訖女官進饌舉饌訖女官再取金爵酌酒以

進飲訖進饌女官以盃盞酌酒合和以進飲訖又進饌舉

饌畢內侍奏禮畢 上同 皇后與內侍女官執事奏請

上與 皇后就更服處易常服 皇帝從者餽 皇后之

饌 皇后從者餽 皇帝之饌